

Ordnung des herren

Nachmal: so man die Messz

nennet / sampt der Tauff vñ Insegung

der Ee/ Wie yetz die diener des wort

gottes zu Strassburg / Eneus

wert vñnd nach göttlicher

geschrifft gebessert haben

vß vrsach in nach

gender Epistel

gemelder.

M.

D

FEU.



Nati omnes qui timent dominum / qui
ambulant in vijs eius.

zusagen. Den widerwertigen / Götlicher warhait / wayß ich
nitt annders züchün / denn lond vns Gott für sy trungenlich
bitten / ob er villeycht seyn gnadenreychs liecht wurde sen
den / vnd ire verstockten hertzen (wie etwan des durch
ächters Pauli) gewaltigklich vmb wenden
auff das sy ire irung bekennen Chri
sto vnserem erlöser / vnnd seyn
hayligs wort mit vns ain
helligklich Predi
gen vnd ver
stünden .
Amen.

1. The first part of the paper is devoted to a general
 introduction of the subject, and to a statement of the
 objects of the present investigation. It is then divided
 into two parts, the first of which is devoted to a
 description of the general principles of the theory,
 and the second to a description of the particular
 principles of the theory. The first part is divided
 into two sections, the first of which is devoted to a
 description of the general principles of the theory,
 and the second to a description of the particular
 principles of the theory. The second part is divided
 into two sections, the first of which is devoted to a
 description of the general principles of the theory,
 and the second to a description of the particular
 principles of the theory.

tayl verstanden werden / seytt her meins abwesens soll ge-
bessert vnd abgestellt sein anff bayde will / das geb got Amē.

Dieses seynd gnedige weysen herren / auch annder brüder
inn Christo / so dise mein Retractation werden lesen / Zehen
die fürnemsten puncten in denen ich der massen (wie ich an-
gezaygt /) vnd ungezweyffelt in vil mer andern puncten / die
xij. jar lang / die ich in ewer Statt gepredigt / der ich zu diser
zeyt nit aller ingedenck / geirret / durch verfürüg Bapstlicher
Recht / Summisten vnnnd der hohen Schülen leerer / des
Bapsts schmaychler / denn ich nit anders geleert / denn dise
schöne kunst / in deren ich auch ain Kröner Doctor gemacht
des namens ich mich yetzt vbel schām / hab mich des alles
müssen verzeyhen vnd entleeren / nitt minder / den der haylig
Paulus seiner väterlichen sayungen / vnd zu ainem lauttern
kind / ja zu ainem thoren machen / Auff das ich des Ewange-
liums Christi empfanglich vnd genosß wurd.

Es ist kund vnnnd wissend / das in der Bibel Studiern /
oder die in ainer Disputation auff den hohen Schülen an-
zyehen / ain schand ist gewesen / ob man schon von der hayli-
gen götlichen dreyhait / von der hayligen menschwerdung /
des väterlichen ewigen worts / von vnser letzten sältigkeit /
vnd der gleychen götlichen dingen Disputiern. Es hatt nur
zufoderst Aristoteles müssen seyn / sonst hießen sy es inn die
Sacristey / vnnnd hinder den Altar flyehen / wa es nitt mit
menschen vernunfft vñ natürlichen vsachen möcht erzaigt
werden anders denn auß der Bibel. Also ist auch ain schand
gewesen / die Bibel auff der Cangel anzyehen / es wer denn
Aristoteles / Bapstlich recht / Thomas vnd Scotus darbey /
das sy der Bibel ain glauben machten / aber jnen zu glaubē
dörfft es kainer Bibel / vnnnd hatt doch alles Ewangelium /
gottswort / vnnnd haylige geschrifft müssen seyn / so es vnser
aygen gedicht was / vnnnd hatt sich ain yeder geflissen / dem
Bapst zu schmaychlen / vnd ainen Gott auß jm zūmachen
damit diser ain Rot hüttlein / der ain Grüns / der dritt ain
spizigs / der vierdt ainen kuz hütt. c. daruon brecht.

Was solt denn ain janger schüler von söllichen leerern
anders bringen/ denn eben damitt sy vmbgeend / daruon sy
auch singen vnd sagen. Darumb verzeihen wir vmb Gottes
willen/ vnnnd bitten Gott das er mir verzeyhe / dann ich hab
geirret/ wie ain verlorns schäflin/ Aber Got hat mich durch
seyn gnad vnd barmhertzigkeit gesücht/ mir meine narhait
zü erkennen geben/ vnd mich geführt inn seyn ewigs liecht der
warhait. Dem sey glori/ preys/ vnd herligkeit/ ymmer vnnnd
ewig. Der wölle auch ewer Gnad / vnd ain Erbar gemayn
in seynem hayligen wort stercken / wider alle Tyrannen vnd
seynde/ seynes ewigen götlichen warhait. A M E N.

Hemit will ich nit allain

Ervern Gnaden rechnung meiner leer gethon ha-
ben/ sonder auch allen Chrißtglaubigen / ja auch den halß-
starigen/ die täglich schreyend/ wie das jr dise ding yetz pre-
digē. Warumb habt jr das nit langest gethon/ habt jrs erst
geleert? hatt man das Euangelion nitt vor hundert jaren
auch gepredigt? vnnnd der gleychen geschrayß vil. Wiewol
inen nit ernst/ das sy das Euangelion vor langst gern gehört
hätten. Es ist inen noch zü frū / sy fürchten das bauchs jres
Gotts/ sonst wurden sy gott mit andern Chrißten loben/ vnd
im seyns gnadenreychen liechts danck sagen.

Ich wayß auch/ das sy werden sagen. Sich/ er hatt all
seyn Predigen widerrüffe / man sollt im nitt meer glauben.
Wer wayßt/ ob das/ so er yetz Predigt / war sey? er möcht
vber nacht / diß so er yetz Predigt/ auch widerrüffen zc.
was sy böß dartzü können erdencken. Wolan / im namen
Gottes / Ich will dises geren leyden. Gott geb mir gedult.
Ich hab thon / das ich an disem ort schuldig/ Bey dem hay-
ligen Gottes wort will ich bleyben / vnd wer mich auß dem
selben berichten kan/ will ich mich nit schämen/ von im das
selbig güttlich anzünemen / ja auch grossen danck darumb

nen beraubt irer güter/verjagt ihn das ellend / gekerckert /
geschlagen/ vnd ermödt. Wölchen Tyrannen Gott diß wet
das er es darfür wöll haben/ als hettē sy im den apffel seins
anges angerürt. Vñ diß ist auch der trost aller deren/ die vñ
das gots wort sechten/ das nit ain baynlein/ ja nit ain här-
lein von irem leyb verloren wirdt / Wie doch die Tyrannen
ymmer wütten. Darumb ist es nit in sonder von den ver-
wenten gaystlichen geredt (wie sy für geben) vñnd die ains-
fältigen mit disen vñnd der gleychen sprüchen plerien/ man
soll in nitt ain härlein anrüren / wie leycheftertig sy ymmer
leben.

Es seynd auch die Kirchen güter nyemandts anders/
dann der Gemaynd/ vber die mögend/ ja sollend sy frumm/
erbar/ gotßfürchtig lewt zū schaffnern/ oder Dyaconos (das
ist) diener setzen/ die sollen dise güter nach aines yeden vñ-
der der gemayn notdurfft getrewlich außtaylen/ nemlich de-
nen/ so getrewlichen arbayten im gotßwort/ den armen wit-
wen vñd waysen/ krancken menschen/ die ir brot mit arbayt-
ten nit mögen gewinnen ic. Vñnd wa die gemayn des nots
durfft hett/ den dise güter/ von ainer gemayn zū sölllichem
brauch gestewert vñd verordnet werden.

Vñnd wiewol im anfang des glaubens / solch ampt dise
güter auß zūtaylen / den Bischoffen vertrawet / darzū sy
denn Dyaconos hetten/ auff das sy dardurch nit verhyndert
am gotßwort zū predigen / wie auch die hayligen Aposteln
theten / Vñnd Paulus haist ainen Bischoff / gast frey seyn.
Also was der haylig Stephanus zū Iherusalem mitt seynen
gesellen/ Laurentius zū Rom/ Leuten vñd schaffner der ge-
mayn/ vñ ist der nam noch bliben/ aber das ampt verendert
den die Bischoff haben noch in ainē yeden Capitel ain Erz-
dyacon/ oder Camerer/ die dem Bischoff reichliche sammeln/
vñd zū tragend/ nit das sy hiemit die armen (denn disen fra-
gen sy nicht nach/ als wenig als Judas / wie sy doch deren
wort wöllē haben) sonder raysige pferde/ jaghund/ Straß-
rauber/ coppels volck ziehen. In Summa/ Fürsten stand da

mit halten. Also ist's auch mit den reychen Apteyen ergangē
die waren etwa Spittal der armen/ was sy yetz seynd / lygt
am tag. So nyemandt yetz die Bischoff/ Stifften/ Apteyen
die Zehenden/ wölche etwann auß gemaynem Consens ver-
ordnet/ die so im gottes wort arbeiten/ vnd der gemaynd die
nen/ Witwen/ Wayßen/ Francken 2c. Con weitter beschwerdē
der gemaynd hiemit zū ernözen/ vñ dingend euch ain Pfarr-
rer auß die Stöl/ daher kumpt das opffer/ Beychtgelt/ Tauf-
gelt/ ölgelt/ seelgeräde/ vnd der gleychen hunderterlay schyn
dereyen vber das arm völclein. Wöllend denn jr Layen el-
lend herbergen/ spittal/ leprosen hewser für ewer armen ha-
ben/ so müßend irs erst von ewerm güt widerüb von newem
erstifften/ Denn das vorig ist dem Teüffel in halß gefaren/
ja wenn wolten sy den armen layen etwas durch Got geben
in deren gütern sy gaylen vnd mütwillen / dieweyl sy auch
die armen Pfaffen/ die nit pfründ haben/ lassen auß der gas-
sen erfrüren/ vnd hungers verderben/ es sey im herberg/ oder
speyß mittaylen/ jr Layen müssen die selben auch nözen/ also
seynd sy schaffner.

Das man aber den Priestern müß gehorsam sein/ wie das
gesatz Mosi lautt/ vnnnd Christus sagt. Wer euch höret/ der
höret mich/ wer euch verachtet/ veracht mich 2c. Vnnnd alles
das sy euch hayssen/ das thünd 2c. Ist alles geredt / von ge-
horsam des rechten waren worts Gottes / wa sy das nach
inhalt vnnnd art des gaysts fürhalten/ nit iren aygen thande
fündlein/ ja müttwillen leeren. Es müssen ye alle menschen
dem aynigē wort gottes gehorsam sein/ oder ewig verdampt

War ist's aber/ das wir (wie billich) nit gesiel / vnnnd ich
auch tröstlich darwider geprediget/ auß dem Gottes wort/
das sonderlich lewt/ vnbilliche ansprüch süchten/ ain orsach
ab dem zaun zū brechen/ mit absagung vnd sechtung / hier-
under arm lewt vnschuldig geschedigt / das Christenlich zū
erbarmē/ so doch wol andre zymlichere weg vñ mittel vorhā-
den/ durch frūme/ erbare lewt vñ oberherschaftē/ obgemeltē
d̄ gaistliche mißbreuch vor zū steen/ wie ich zū got hos/ vñ zū

mitt betten erlangen/ das thū on gelübt/ oder ee/ denn du gelobest. So du denn deren vom gaist im hertzen gesichert/ denn darff es keiner gelübt mer.

Item/ Seind sy denn ye not zūhalten/ wie mag denn ain Ordens man zū ainem höhern vnnnd volkommenern stand kommen/ als sy sagen. So er Bischoff/ Cardinal/ Papst wirdt/ vnd Closter stand der volkommene stand ist.

Item/ Warumb Dispensiern sy mit denē vmb gelts willē von solchen notwendigen glübdten/ vnd statt der volkommenheit? Darumb muß diser stand ye nit von Gott seyn/ sonder nur menschen fünd/ oder wie dürffen sy auff lösen/ das Gott will gebunden haben?

¶ Von andern Gelübdten/ als Walfarten gen Jherusalem/ Rom/ Compostel/ Ach 2c. Denn Glaysch/ Reiß Ayer/ Brot/ Weyn 2c. meyden/ kumpt alles den Papisten recht/ da gewinnen sy groß gelt/ mitt Dispensiern vnd Commutieren/ das ist/ solchen gelübdten nachzulassen/ oder in ander werck zūerwandeln/ da were vil von zū sagen.

¶ Von Freyhait der Gaystlichen/ vnd Kirchē gütern/ hab ich etwann gepredigt. Wie die gaystlichen frey seynd/ strewer/ zoll/ vngelt/ rassen/ weg gelt 2c.

Das man sy mit weltlichen Rechten nitt mag anlangen.

Das die weltlich Oberkait/ die nitt möge fahen oder Kerckern. Das sich die weltliche der Kirchē güter nit sollen annemen.

Hiezū hab ich gezogen/ was ich/ im Alten gesatz der püester vnd Leuiten freyhait anreissen finden möchte.

Denn was in Decretalen vnnnd Summisten/ vnder dem Tytel/ von freyhait der Kirchen/ sand herzū dienende/ nemlich den Canonem. Si quis suadente diabolo 2c. Ob yemant auß eingebung des Teuffels 2c.

Item/ Auß dem sprach. Nolite tangere Christos meos. Secht: das jr meine gesalbten nicht anrührend. Vnd wer euch anrühret/ der wüdt den apffel meines auges anrühren.

Item/ Das sy yederman soll hören vnd gehorsam seyn.
Item das man in Zehenden vnd opffer schuldig/ auß vil or-
ten des Alten Testaments/ vnd Decreten angezaygt.

Wie solt ich gesehen haben/ auß vnserm Newen Testament
das wir kein Jüdisch Priesterthumb meer haben/ vnnnd der
verhenget Moses hyn vnd gestorben in Christo / vnns yetzt
alles klar vnnnd offen / vnd das wir in Christo alle gesalbte
Priester mitt seynem hayligen gayst/ wiewol die wal der ge-
mayn/ mit aufflegen der hende der öltern schaffe/ das ainer
oder mer/ das ampt des worts zuuerkündigen tragen/ vnnnd
diener der gemaynd werden zübetterung. Wiewol ich nit
schelten wolt/ ob man die schon salbete/ zü ainer bedefftung
der inwendigen salbung des gaysts. Das sy aber nit ain noth
herauß machen/ vñ ain Sacrament / den Sacramenten vñ
Christo eingesetzt gleych zü halten.

Denn solt ich auch gesehen habē/ das vnser her: Christus
selber den jährlichen Trybut dem Kayser gab / da die Ampte
lewet des Kayfers den erfodereten.

Item/ Petrus vnd Paulus / hayssend vns der weltlichen
her:schafft gehorsam seyn/ Tribut/ stewart/ zoll geben/ Gott
für sy bitten.

Vnd sy selbs haben das auch gethon. Wider diße haylige
geschrifft/ wirdt weder das/ so auß dem Alten gesazs/ oder
Decretalen eingefürt für solche freyhait der gaystlichen zübe-
schirmen/ sechten/ das sy die von göttlichem Rechten sollen
haben. Wol gib ich zü/ das ain weltliche her:schafft zu zeit
ten auß gnaden / möge der gaystlichkeit solche Tribut vnnnd
zöll nachlassen/ vnd so es jr geliebt/ widerumb erfordern/ on
widerred der gaystlichen ic.

Die eingefürten sprüch/ das die gesalbte gottes nyemant
solle anrüren/ lautend zü foderst von den hayligen Prophe-
ten/ die ob dem wort gottes steyff halten/ wider Fürsten/ Bi-
schoff/ vnnnd Tyrannen / als sich klar anzaygt in Hieremia.
Denn lautend sy gemaynlich auf alle Christen/ die das wort
Gottes mit hertzen annemen/ vnd darumb von den Tyrans

Glaisch/Visch/Blayder/denn oft aygen land/Lewt/Reben
acker/Matten/Zynß/Zehende/vnd ist schier alle sampt vn
ser/vnd seynd auß Reychen Clöstern/Reyche Thümbherm
vnd Stauffe worden/das hieß recht wurzeln gessen. Die übe
rigen lygen noch stets auff dem Bettel. Vnnd so die Clöster
schon in welden/weyt von Stetten/so findt man sy doch auf
dem marckte/ an den gerichtten on vnderlaß / vnnd inn den
zynß bueffen ꝛc.

Pfew der schand/ob schon ettwas hayliger vätter ain
haylig Ainsidels leben geführt/das wir die vnsern lüsten dür
ren zu ainem deckmantel herfür zuehē/ wie wir auch Heliam
Johannem den Täufer/ia auch Christum düren darzu ge
brauchen. Wölche in grosser strenger armüt gelebt.

So seind wir so arm. Wa man ain x. tausent / oder xvij.
tausent gulden will vmb zynß auffnehmen / so findet man es
kaum ee/denn etwann in ainem armen gaystlichen Closter.

Denn / so ist das auch ain lautter menschen gedicht/das
die Profession sey die ander Tauff/in deren der gelobet wider
rumb new geboren/sonder aines yeden Christen tägliche Pe
nitentz vnd Creütz/ ist die ernewerung des ain mal empfang
nen Tauffs.

Item/Das sy sagen/der mensch sey gebunden zu Closter
leben/ob er schon verfür vñ betrogen/die Profession zu thun

Item/Das sy die zeyt der Profession zu thun / an das xv.
oder auffs höchst an das xvij. jar gebunden.

Den das sy/wa die geschriffte raynigkait/in gemayn lobet
das alles tringend auff Junckfrewlich oder Closter raynige
kait. Gleych als solt Kelich/oder witwelich/oder joch junck
frewlich raynigkait inn der welt on gelübd nit auch raynig
kait sein/was solt den ainer sagen/das mer den hunderterlay
Secten der Orden/den yeder gar bey in bayderlay geschlechte
Münch vñ Nunne/oder Beggynē/den erst derē gar bey ain
yede getaylt in Reformiert/vñ Vnreformiert/denn in ainem
yeden etwann vil tausent fauler/voller/gayler/Münch vnd
Nunnen. Denn so mancherlay Regeln/Blayder/speys ꝛc. diße

müssen alle Edel seyn/Die andern alle Reüter vnd Krieger
Die dritten alle Bettler. Darauf es wol scheynet/das es ain
werck des Teufflischen gaysts / der zertrennung. Denn der
gayst Christi der versamlet / macht in aynerlay synn vnd
weyß leben ꝛc.

So ist auch das ain menschen gedicht/das Closterstand
sey der stand der vollkommenheit/den gemainer Christlicher
stand in williger tragung des Creutzes / ist der selbig aynig
volkommen stand / vnd wölcher nit vnderstat vollkommen
zu seyn/der vnderstat kein Christ zu seyn. Diesen vollkommen
stand/finde man schier nyendert bas / denn eben in der Le/
wie es am tag lygt/vnd gar bey nyemandt minder/ denn in
Clöstern/das laßt vns sehen.

Nym den Orden/den man am strengsten acht/denn wir
vil staffeln haben vnder vns gaystlichen/vñ seynd der sache
noch nitt ains/wölcher der höchst vnd volkömest/ ain yeder
würfft den seynen hoch auff/darumb nym gleich den höch-
sten. Was findestu rechtes gaysts eben bey den selben? Da
ists nichts/ dan geyz/vnd nach reychthumb stellen/wol ja
beym besten essen vnd trincken / Königliche Paläst vnd
wohnungen/köstlich daher reyten vnd faren/vil gesind vnd
dienst/all ding nach wunsch / also das auch kein muß zu
inen ein mag/so sy schon mit offner thür vnd fenstern sitzen.
In Summa gar nichts nit mangeln/was zum leyb gehört/
sicher on alle sorg vnd Creutz leben/denn voller gleichfne-
rische hochfart/voller neyd/vnwertreglich ꝛc. Wölches den
alles werck des flayschs/ Als Paulus sagt.

Zu lest/ Das sy denn wölcn sagen / es seyn nott zur sällig-
keit/ das gethone gelübde gehalten werden.

Sag an/wie wens aber vnmöglich seind/gleich als wen du
fliehen gelobest/oder desgleich anders/steet nit auch geschri-
ben. Es mißfelt got ain nerrisch vnglaubigs gelübde/als den
vnsr gelübde/der merer taylor vmb des bauchs willē geschehe

Es sagt Salomon/Christus/Paulus/es sey ain gab got-
tes. Das du aber wöltest sagen / man muß söliche gab

Aposteln/ ire etteliche ferre land durch zogen/ auch alle stund
zum todt gerüst. Darumb wie sant Paulus sagt. Die/ so wey
ber hetten/ warend gleych/ als ob sy die nitt hetten/ desßhalb
das sy sich nit ließen hyndern/ an irem Apostolischen ampt
der leer/ wie es yetzt zu disen letsten gefärlichen zeytten auch
nott wirdt.

Des Papssts Decretal ist nit nott zuuerantworten/ sonder
mer zuuerachten/ dann dieweyl es nit gegründet inn der ge
schufft / ja wider die geschriffte ist / felt es von jm selbs mit
seyner beschwärd dahyn. Das Bernhardus schreybt zu lob
dem verwernten gaystlichen stand / hett wol ain maynung/
wa man on gelübdet vnd verbinden / das jung volck vnder
ainer dapffern Chriſtenlichen maysterschafft/ wie inn ainer
schül/ vnd zuchthauß züchtigte/ ain zeyt lang/ biß sy erwüch
sen zu der Ee/ oder so lang sy sich empfunden/ durch Gottes
gnad/ zu söllichem stand geschickt seyn / wie im anfang der
Zinsidler vnnnd Clöster / die selben mit leer des gotts worts/
mit gebürlicher arbaytt/ vnd Chriſtliche sytten wol erzogen
ain yeder nach radt/ treybung / vnd yebung des gaysts/ das
ist/ wie Paulus sagt/ so lang er nit brunst leydt. Wa aber dise
vermessene ketüschart wolt zu ergern vsachen / söltten sy zu
Elichem stand keren/ wie Paulus hayßet/ wa dem nit also
geschicht/ ist das widertayl (des das Bernhardus schreybt)
war/ nemlich/ das man in Clöstern/ wie es yetzt gemaynlich
vmb Clöster stat/ vnrayner lebt/ öffter felt/ langsamer auff
statt/ vnſicherer wandelt/ gefärlicher rüwet/ selzamer be
dawet wirt/ langsamer gerainiget/ verzweyfelter stürbt/ har
ter verdampft/ Dan ob schon meer Capitelns/ bettens/ mura
melns/ beychtens ꝛc. in den Clöstern/ ist doch alles mit groß
sem vnwillen vnd gezwungen/ ain lautter gleychßnerrey/ vñ
desßhalb verdampft vor Gott vil mer/ denn der Phariseer le
ben ye/ wie es doch ymer gleyßt vor der welt/ man singt mitt
dem mund / vnnnd flücht mit dem hertzen. Also das eben der
selbe Bernhardus den gefärlichen / verdamblichen stand
des Closterlebens / erst als er zum todt krank / verſtundt

vnd bekandt/das er verdamblich gelebt hett.

Denn hett jm Anshelmus zu vil gethon/dann es ist klar/
das ain yeder recht Chrusten mensch/im Tauff verschwert
alle Teufflische pomp/das ist/die welt mit irer weyßhait/
bracht/geytz/lust ic.vnd huldet dem aynigen Chusto/gibe
jm den barom mit den fruchten. Also haben sy nu den ersten
ayd verdunclet vnd irz gemacht durch ire aygene nerischē
menschen gelübten. Darumb soll vnns hie Anshelmi vom
Bapst gehayligte hayligkait nit schaden.

So man den Chrysostomum recht besicht/finde es sich/
das er vom Ainsidel stand redet. Denn zu der selben zeyt/vil
vmb bosshait der welt/vnd durch ächtung der Tyrannen/
in die welt flohen/vnd aber der selb stand ongelübt vnd ver
knüpfung/sonder frey wider zu der welt zukömen (als denn
irer vile theten) wie Chrysostomus/vnd auch das Altvätter
büch/von etlichen anzeygen/vnd in der andern Regel Fran
cisci klar steet/das vmb gebotts willen des Bapsts/sich
nyemandts von der Brüderschafft schayden mög ic. Wenn
es noch also ain gestalt hett vmb Clöster/möchts villeicht
geduldet werden/wiewol das noch zuvil/das Chrysostomus
dahyn tringt/es möge ainer wider vatter vnd mütter willen
sölichen statt an sich nemen/so doch gott anders gebeüt.

Wie das auch lätz/das vnser Papisten die vnuolendte
Le/durch Closter gelübte trennen. Wölcher Tünnen ich
wol etliche erkandt/die sich der geredten Le nit anders wistē
züledigen/geriedten aber layder nit fast wol.

Was wöllend sy vns auch fast lang sagen/von den selbst
vättern vnd Ainsidlen. Wenn wir auch noch in den welden
inn klainen hütlein woneten/würzeln essen/ja da auch die
kranken Nünch wasser truncken/vnd etwas Kochets essen
(wie Hieronimus schreibt) ain vberfluß in armüt/vñ streng
in arbayt der henden/vmb das täglich brot/lebten in rewer
verachten klaydung ic.

Nun haben aber wir in den grossen Stetten/oder nahe
dabey grosse mechtige Fürstlich Paläst/das best brot/weyn

der her: dein Got fordert die vß dir. Vnd so du es verzeichst/
wirt es dir zur sünd geschezt. David. Gelobent/vnd gebens
Got ewerm herren. Salomon. Es ist zñ fall dem menschen/
so er ain opffer gelobt/vnd denn hynder sich zeicht.

Denn so hab ich die drey hohen gelübden auch auß der
geschafft vermaynt zñ befestigen / nemlich gehorsam / auß
dem so Christus sagt. Ist das mir yemandts will nachvol-
gen/der verleüßē sein selbs ꝛc. Keüschait auß dem/so er sagt
Es seynd verschnitne/die sich selber verschneyden / vmb des
Reychs willen der hymel.

Armüt. Wiltu vollkommen seyn/ so verkauff alles das du
hast/vnd gibs den armen/vnd kum/vnd volg mir nach.

Item/Des Papssts Decretalen / von gelübten vnd stand
der gaystlichen/deren vil seynd.

Denn das Bernhardus sagt vber das wort Petri. Herz es
ist vns güt hie zñ sein ꝛc. das ist/in ainm gaystlichen orden/vñ
sach/das man da rayner lebt/selzamer felt/vnd ee auff stat
gewarsamer wandelt/sicherer rñwet/öffter bedawet/ee ge-
rayniget wirdt/tröstlicher stirbt/reychlicher belonet wirdt.

Item/Das Anshelmus sagt. Dases gleych sey vmb ain
Münch/vñd vmb ain Layen/ so sy ettwas gütts thün/als
wenn ainer seynem Lehenherren etliche frucht von ainem
bawm bringet/so vil jm wol geliebt / der annder gibe seynem
herren / nitt nur ain wenig frucht von dem bawm/sonder
schenckt jm frucht vnd bawm mit ainander. Das erst thut
der Lay in der welt/ Aber diß thut der Münch im Closter.

Denn auch/was ich bey Chrysostomo fand in dem bñch/
so er schreybt wider die/so verlestern das Münchisch lebē ꝛc.

Hie solt ich zñ foderst geleert haben/das der recht/war/
aynig/gaystlich stand / ist das haylig Euangelium / vñd
Christlichen glauben mit herzen annemē / vnd mit wercken
gebē/wölchs da ist der stand der Penitenz/ zñ dem Christus
alle menschen berüßet/so er spricht. Wircend bñß/oder bes-
sert euch ꝛc. Vnd diser gaystlich stand ist aller Christglanbi-
gen menschen/die seynd von Gott gehayligt/ denn sy haben

den gayst Christi empfangen im Tauff/burch den glauben/
wie denn Christus Gott den vatter bitter. Vatter haylige sy
Darumb auch die Christen Paulus allenthalben hayligen
nendt. Diß ist auch der rechten gaystlichen vätter maynung
gewesen/sich von der welt kinden gemeinschafft/mit hertze
vnd mit geberden also abzyehen/vñ zñ dem hayligen Euan
gelio/vñnd zñ der gelübdt im Tauff gethon sich halten/wie
im anfang der Einsidel vñnd Clöster/doch sich nit von ge
maynen bülden/vnd arbayt der gemainen Christen sündern
wöllichs auch die maynung Francisci gewesen/allain das
haylig Euangelion/nach weyß der Aposteln zñleeren/vñnd
sich mit gebürlicher arbeit im schlechtem ainsältigen leben
on allen bracht vñnd wollust außzñbringen/ als sich klar in
seyner ersten Regel zaygt/das diß seyn güt/slecht/ainsäl
tig maynung gewesen/wiewol jm diß die Bápft verkeret/
als sich in der andern Regel zaygt.

Das aber die eingefürten sprüch nit herzñ dienen/noch die
Clöster gelübdt befestigen/wirdt sich zaygen/denn die auß
dem alten gesatz/so Moses/David/Salomon geredt/ist nie
von Clöster gelübdten/sonder von gelobten opffern(zñ iren
zeytten gewonlich) als sich klärlich laßt sehen/in vmbstän
den der Texten.

Die auß dem Newen Testament eingefürt/betreffend die
Christen gemaynlich/nit die verwenten gaystlichen in son
der/als nemlich der. Wiltu vollkommen sein. Ist geredt zñ
allen Christen. Denn alle Christen müssen mit dem hertzen
zeytliche gütter verschätzen/wie wir auch vatter vñnd müt
ter/weyb vñnd kind/ja auch vnser aygen leben/wa es sich
erfordert/das ist/wa aintweders der glaub oder diße ding/
müßten verlassen werden.

Dahyn lauten auch die andern zween sprüch/Sein selbs
verlaugnen. vñnd sich selber verschneiden/vmb des Reichs
willen der hymel. Das haist hie sich weyber enthalten/
dester embsiger das Euangelium zñ predigen/wie denn im
Anfang des hayligen Glaubens nott/das die hayligen

frewd im hayligen gayst/ fließen muß. Vmnd also ist war/
das d̄ glaub also wenig on gütte werck seyn mag/ als wenig
ain gütter bawm on gütte fruchte/ ferner on hiez/ ain gütter
bunn on wasser. Also wenig kan auch ain gerechter gütter
mensch on gerechte gütte werck seyn / nitt das er die werck
thū vmb verdienst vnn̄d lon zū erlangen/ frum̄/ haylig/ oder
sālig zū werden/ dann dise seind aygennützigē knecht/ sonder
außlieb zū Gott vn̄serm gnedigen gütigen vatter / das er
dardurch geeret / vnn̄d wir im hiemit zūgefallen kommen/
zū danck̄ seyn̄er gütte vnd gnaden/ auch vn̄serm neben mens-
schen zū notdurfft vnn̄d besserung/ wie auch Christus vn̄ser
herr vil gütts gethon/ nitt das er damit verdient den hymel
(der vor seyn was/ dieweyl er Gottes sun) aber alles seynem
hymelischen vatter zū eeren/ vns zū trost vnn̄d erlösung. Also
ist auch der hymel vn̄ser/ dieweyl wir kinder Gottes durch
den glauben. Darumb vns nit nott/ den mit wercken zū uer-
dienē/ doch sollen wir die werck des glaubens geflussen yeben
Gott zū eeren/ vnn̄d vn̄serem nächsten zū güttem. Es sālet
auch hie die Regel Aristotelis/ das von off̄t recht thūn/ der
mensch gerecht werd/ denn gegen Gott gerecht seyn/ geet es
anders zū / nemlich muß der mensch zū uor gerecht werden/
durch den glauben/ soll er anders recht thūn/ vnd denn so er
gerecht ist/ thūt er recht/ so er aber recht thūt/ denn so schey-
net er gerecht.

Das aber Gott dises / so er vns auß gnaden/ vmb seyn̄er
gaben willen gibt/ ainen lon nennet/ ist seyn̄er gnadenreyche
gütte schuld/ das er dis̄ vns also zū schreybt/ gleich als heten
wir im ettwas groß gethon / auß vns selber/ vnn̄d von dem
vn̄sern/ so doch er des vn̄sern nichts bedarff/ vnn̄d er vn̄sers
diensts nitt anderst begeret / denn vnns zū güttem. Also laß
du es gott ainen lon hayssen/ aber trutz das du es wöllest für
ain lon schetzen/ sonder laß es alles gnad seyn/ was gott mit
dir handelt. Gnad Gottes mag nitt minders dulden / denn
vermessen aygens verdiensts. Darumb leeret vnns Christus
So jr alles gethon/ das ich gebottē/ söl̄t jr dennoch̄t sprache

wir seynd vnnütze knecht / wir habē thon/was wir schuldig
zūthūn. So ain aygē man seynem Halßherren ainem frentag
thūt/was mag er anders von jm verhoffen/dann auß gna-
den: Ain frummer sun dienet dem vatter nit vmb lon/sonder
auß liebe/ob wol gleych der vatter/ das gūtt / so er dem sun
thūt/will ain lon haiffen/solt aber der sun das für ain lon so
bern wurd den vatter billich verdriessen. Darumb werden sy
vns auß disen sprüchen/Eain verdienst/noch lon schliessen.

Von Clöstern/vnd andern gelübden/ vnd
statt der vollkommenhait/hab ich oft vnd vil predigen müs-
sen / vnd den genandten gaystlichen Mönch vnd Nunnen
stand hoch preysen vnd erheben / vber alle andere stend der
menschen. Nemlich/der hohen dreier gelübde halben/auch
der Euangelischen Rādt/die wir fürter/den ander gemayn
Christen menschen halten/so wir doch nit mer/ denn sy vber
die Zehen gebott schuldig.

Wie die gelübde der ainnder Tauff sey/in wölchem der
mensch wider new geboren/aller sünden ledig vnloß/gleych
als ob er erst auß dem Tauff gieng / deshalb sy auch in den
Reformierten Clöstern / so ainer Profession thūt / im ainem
newen namen auffsetzen / wie man in dem Tauff pflegt zū
thūn.

Auch versichern wir die/ so vnser Regeln halten/ des
ewigen lebens.

Vergleychen vns den hayligē gottes Engeln/ von vnser
gang raynen vnschuldigen lebens willen.

So ist denn vnser gaystlichen stand / nemlich der Refor-
mierten/vnd Cartheuser/der standt der vollkommenhait.

Hiezū hab ich gezogen / was inn der geschrifft von gelüb-
ten lautter/nemlich/das Moses sagt. So yemandt dem her-
ren ain gelübde gelobet / soll er seynes worts nit hynder sich
geen/sonder alles das er verhaift soll er halten.

Item/Ain ainem andern er/ So du ain gelübde gelobest
dem herren deinem Gott/so verzeüchs nit jm zūgeben/ denn

nach seynen arbayt. Dise vnnnd andere der gleychen sprich/
auch auß den leeren/nemlich mayster Peter von Paryß/den
sy den mayster von hohen synnen nennen/da er schreibt/das
hoffnung sey ain sichere wartung / der zukünfftigen sältig-
keit/kommende auß gnaden gottes/ vnd vorgehenden dienst
denn on verdienst etwas hoffen/ mag nit ain hoffnung/son-
der ain vermessenheit genendt werden 2c.

Auß gnaden gottes/ist hinzü gethon (seines bedunckens)
die Pelagianisch irrung züuermeyden. Denn auch Quidium
(wie wir pflegen Haydnische Philozophi/ Poeten/ Sabeln/
vnd was wir vnser sündlein zü besteten haben mögen auff-
bringen) herzö gezogen/ so er von hoffnung also sagt. Que-
cunqz ex merito venit spes equa venit. Das ist/ Ain yede hoff-
nung die auß verdienst kumpt/ die kumpt recht. So volgt/
das/wa kein verdienst/kein recht hoffnung. Was aber das
nit wol probiert?

Wie solt ich gelert haben/das allain der glaub in Ihesum
Christum/on allen vnsern aygē verdienst/oder werck/durch
gnad vnd erbarmbd gottes des vaters/ vnd das kostbarlich
tewer verdienen / des sterbens vnsern herzen Ihesu Christi/
wir gerechtfertigt von sünden / das auch allain alles vnser
verdienen ist.

Das auch der selb glaub in Ihesum Christum/als vnsern
erlöser vnd haylmacher/ain gab vnd werck gottes/wölches
er on allen vnsern verdienst in vns wircke/ja auch alle ander
gütten werck so auß dem glauben/gleich als ainem brunnen
quellen vnd flyessen/wirckt die gnad Gottes in vns. Darü-
es ain grosse vermessenheit sich deren zürümen / als vnser/
oder für verdienst rechnen/got wöllen zü ain schuldner habē

Dise Christliche warhait / leeren vns die nachgeenden
sprich/Dauid redt also. Alle seyne werck (maynt Gottes)
seind im glauben. Salomon. Es seynd gerechte vnd weyse
vnd ire werck seynd in der handt Gottes.

Dein weyßhait (maynt Gottes) waist vnnnd versteet alle
ding/vnd die wirdt mich führen in meinen wercken.

Wir achten/das der mensch gerechtfertigt ward / durch
den glauben/on die werck des gesetzs. Roma. 3 .

Die übrigen seynd sällig worden/ nach der erwölung der
gnaden gottes/ dieweyl nun von gnaden/ so ist mit auß den
wercken/oder gnad muß nit gnad seyn.

Was hastu das du nit empfangen hast? Was rümeſt dich
denn es/gleich also ob du das nit empfangen?

Ist die gerechtigkeit auß dem gesetzs/so ist Christus ver
gebens gestorben.

Alle die an wercken des gesetzs hangen/ seynd vnder dem
fluch. Ir seynd von gnaden sällig worden durch den glauben
vnd das nit auß euch/denn es ist die gab gottes/nit auß den
wercken/auff das nit yemandt sich rüme.

Wölcher vns berüfft hatt(maynt Gott)mit seynen hayl
igen berüffung / nit nach vnsern werckē/sonder nach seynem
versehen vnd gnad/die vns geben ist/in Christo Ihesu.

Es ist erschynen die gütte vnd frömbkeit Gottes vnser
erlösers/nit auß den wercken der gerechtigkeit/die wir ge
thon hetten/sonder nach seynen erbermbd hatt er vnns hay
lig gemacht ꝛc.

Auß wölchen/vñ vil andern sprüchen der geschrifft/wirt
lautter vnd klar/das nyemandts auß wercken/vnd aygnem
verdienst/sonder allain auß gnaden gottes durch den glau
ben in Christum vnsern erlöser werden wir gerechtfertigt vñ
frum/das auch gott den selben glauben / ja alle rechtschaff
ne werck des glaubens in vns wirckt/das wir auch nicht da
durch die werck (wiewol nit on die werck) sällig gemacht
werden. Also das Gott(wie Augustinus leeret)nit vnser ver
dienst/sonder seyne gaben krönet.

Ich solt auch hie die eingefürtē sprüch/so auf güte werck
verdienst vnd lon lauten/baß besehen haben/ vnd wol gewe
gen/so het ich funden/das sy den merern tayl/zü aller foderst
auff glauben lautten/Wölcher das foderst Gottes werck in
vns/daher den forcht/züuersicht/trost/lieb/fryd/ratnigkeit
des hertzens/ ja alle frömbkeit/sicherhait der Consciencz/

ist aber nit meer gerad gewesen/ leyhet ain Jud nit vil auff.
Es sagend auch die schülleerer selber von ainer eingesetzten
natur des menschen/ vor der sünd/ von der verderbten natur
nach der sünd/ vor der widerbrachten natur durch den todt
Christi. Wir tragend yetzt die verderbten natur / die voller
böser lüst vnnd begirden steckt / von der Erbsünd her. Aber
durch den glauben in Christum/ ist sy also widerbracht/ nitt
das die sünd böser begirden nit in vns sey/ sonder das sy vns
nit mer verdammen mag.

Das aber die geschriffte güts thün/ gotts gebott halten ic.
vnnsERM willEN zügibt/ wie die eingefürten sprüch ansehens
lautten/ hett dise maynung. Gott will vnns damit ain herz
machen/ das wir güts züthün vns fürnemen/ mitt verhoffa
nung götlicher hilff/ das züuerbringē/ weyl er vns das haist
sonst dürfften wir vns des nit vermessen/ denn es vns vnuer
möglich. Darumb müssen wir in ernstlich bitten vnd sagen
O herz gib vns das/ das du vnns hayssest. Wie wir auch
nit dürfften zü jm sagen/ Vatter vnser/ so er vns das nit ge
hayssen hett.

Hierauß wirt aber darumb nit volgen/ das wir ain freyen
willen haben/ von vnns selber böß oder gütts zü thün/ denn
es lygt klar am tag/ vnnd wir empfinden das an vns selber/
das vnser kainer ist/ der nit böse begirdē hab/ wie er ymmer
wöll/ das er nit böses begert (als sich auch der haylig Pau
lus beklagt) ob wir schon mitt eusserlichen wercken / vmb
forcht willen der peyn/ widerstanden bösen begirden / doch
wolten wir / es were kaysn gesetz wider die bösen begirden
gemacht ic.

Dis ist der fluch/ vmb der sünd willen / vnnd wirdt also
sünd mit sünd gestrafft / denn sollen wir etwas güts thün/
so muß es alles von Gott seyn. Das gedenccken/ wollen güts
thün/ vnd denn auch das volbringen/ wie sant Paulus sagt
Es lygt nitt an vnserm wollen / noch an vnnsERM lauffen/
sonder an der barmhertzigkeit Gottes.

Von dem verdienst güter werck / hab ich
etwann der massen geprediget. Das wir durch güte werck
verdienen/ vnd erlangen/ frum zu werden/ vnd denn für vnd
für/ ye lenger ye mer verdienen.

Das im die hayligen auch also gethon/ durch ire güte
werck den hymel verdient/ vnd ye meer ain yeder durch güte
te werck verdienet/ ye höher er sey in hymel auffgestigen.

Auch hab ich das Meritum congrui / digni/ vnnnd cons
digni/ von wölllichem die Schülleerer/ des Papssts heischler
schreiben/ die es wol können gen marckt schicken.

Darauf denn gewachsen/ das die vnynnigen Beggyn
nen vnnnd Nunnen/ haben alles ire Fasten/ Betten/ Nies
hören/ hayligen rennen/ schweygen/ meyden/ willen brechen
gezelt. Damit sy gar aygentlich wisten / wie vil sy verdient
bey Gott / vnd wie vil er inen schuldig/ ja gewiß weren/ im
wölllichen Chor der Engel sy gehorten/ das sahen sy bey den
federn/ die inen vmb solchen verdienst herfür wüchsend/ ob
sy Cherubin/ oder Seraphin weren.

Hiezü hab ich denn die geschrifft gezogen/ wölche etwas
lautten auff werck / verdienst / lon/ als nemlich. Gott sach
der Minniter werck ic. Erwer liecht soll scheynē vor den men
schen/ das sy ewer güte werck sehen.

Paulus will auch/ das wir Reich seyn in güten wercken
Sant Jacob sagt das der glaub on güte werck todt sey.

Johannis/ In Apocalip. Sagt/ das die werck den abge
storbenen nachuolgent. So nendte denn die haylige schrifft
solche güte werck verdienst/ da sy spricht. Alle barmherzig
kait macht statt ainem yeden nach verdienst seyner werck.
Auch sagt sy an vil orten vom lon/ nemlich. Bey gott ist der
gerechten lon.

Erwer lon ist groß in dem hymel. Item/ Wir lesen den lon
deren so im Weyngarten arbaitten / auff dem acker sähen
vnd schneyden/ denn vmb ain becher kalts wassers.

Item Deren die den armen barmherzigkait beweysen.
Ain yeder (spricht Paulus) wirt seynen aygen lon empfahe

bezeugt/ auch die hayligen sich beklagen/ ja auch die Hayde
bekennen.

Moses/synn vnd gedencf menschlichs hertzens/seynd zu
bösem genaygt von jugent an. Item/ Es ist vor dir (mein
Got) nyemandt von jm selbervnschuldig. Item/ Der zerstör
te leyb/beschwert die seel. So denn Dauid bekendt/das er in
sünden empfangen. Christus/Wölcher sündet/der ist ain
Knecht der sünd. Vñ on mich mögend jr nichts schaffen. Diß
zaygt auch die gleychnuß des verwundten / vñnd halb todt
geschlagen. Item/ Es soll auch vnser gebett nichts on den
gayst/sagt Paulus.

Item/ Das wir auch nichts gûts mögen gedencfen/wöl
len/noch thûn vnfers vermögens. Dise vñ vil andere sprüche
in der hayligen schrifft/ tringen stracks wider den freyen wil
len/zaygen klar/das wir von vns selber nichts anders/ denn
sünden mögen / vnd ganz nichts gûts thûn. Das bezeügen
auch vil lieber hayliger Doctores/ Basilius/ Gregorius/ Na
zanzenus/ Chrysostus/ Cyprianus/ Ambrosius/ Hylarius/ Au
gustinus/vnd ander vil/wie Augustinus im büch wider den
Keger Julianum anzaygt.

Ja auch der Haydmisch mayster Tullius beklagt / die ar
beitsäligkeit des menschen/nit allain des leibs/sonder auch
des gemüts halb/vnd spricht. Das die natur den menschen
nit als ain mütter geborn/sonder als ain Streyffmütter/inn
diß ellend geworffen/des leybs halb / nackend / blöd / vñnd
siech/des gemüts halb/engstig zu der widerwertigkeit/ ver
zagt zu den schrecken/waych zu der arbeit/ genaygt zu den
gaylen lüsten/ in dem doch newes götliches fewers der vera
nunfft sey/aber verdempfft

Vnd an ainem andern ort maynt er / das die weysen auß
leger des gemüts Gottes/etwas der warhait erkandt/da sy
haben gesagt. Das wir vmb ettlicher angenommener laster
vergangens lebens / peyn zu tragen geborn seyn. Vñnd das
war(wie Aristotelis sagt) das wir mit gleycher marter/wie
die rauber / die den von Hetruria zûhandt wurden/ mit auß

erdachter grymmigkeit getödt wurden / nemlich auff solliche weyß. Das sy der lebenden Cörper / mit den todten widerainander geschicklichen gebunden. Also auch vnser gemuet mitt den Cörpern / gleychsam die lebendigen mitt den todten gebunden 2c.

Söllichs vnser ellend / haben die männer im liecht der vernunft können sehen / ob sy gleych wol die vrsach inn sonder nit gewist / doch habē sy das den sünden / vnd der gerechtigkeit Gottes zügemessen. Was solten sy denn gesagt haben / wenn sy der hayligen geschrifft (wie wir) bericht: das vmb der Erbsünd willen / das schwer joch den kyndern Adams auffgelegt / von mütter leib an / biß auff den tag irer begrebnuß 2c.

Vnd das der Apostel Paulus sagt / Roma. am 5. Es ist durch ainen menschen der todt in die welt eingangen / vnnnd durch die sünd der todt 2c.

Hierauß wirt klar / was wir für ainen freyen willen habē vnd das der selb von jm selber gar nichts güts vermag / das auch die tugenten der sytten / deren sich die Philozophi geräumbt / kaum ain schatten seynd gewesen der waren tugenten / wölliche auß dem glauben vnnnd gnaden gottes müssen flyessen. Also seynd auch die tugenten vnser Schülleerer / kaum ain schatten der waren tugentē / ja ain lautter gleichß nerey vnd verdampft / denn was nit auß dem glauben fleißt ist sünd / vñ derhalb verdampft (wie s. Paulus sagt) so volgt auch das alles / so auß dem glauben volgt / muß gnad seyn / vñ deßhalbē gü. Den wie der ast mit weyn tregt / er bleib den in dem weynstock / also muß auch der mensch in Christo bleyben / durch den glauben / soll er tugentreyche werck verbringē

Aber die sprüch / die ich den Sophistē nachuolgedē für den freyen willē eingefürt hab / thün nichts mer / den sy zaigē wie der mensch erst von got erschaffen / vñ wie er durch die sünd sein freyhait verloren hab. Es ist ain vnderscheid seyn / vnd geseyn / wir waren wol frey / von der sünd / nach der sünd / seyn wir nitt meer frey. Wöllicher lam felt was wolgerad /

Altar/glocken/Kelch/Messgewand/ Kerzen/ampfen/vñ
der gleychen/ ja wenn sy solten bey vns seyn/ sy wurden vnns
dauor warnen vnd straffen/ ja wolt es nit helfen/ sy würdē
ire bilder selber ab den Altarē reyssen/ mit den füßen darauf
treten vnd zerbrechen zū ainem grewel/ ja würdē ee hundert
mal darob erwürgt/ denn sy vns solch grewlich Abgötterey
gestatten würdē. Das scheynt klar in den hayligen Aposteln
Petro vnd Johanne / denn auch in Paulo vñnd Barnaba/
in dem Engel Gottes / Der Johanni erschyn / die solche eer
nit leyden wolten ꝛc.

Diß ist auch die eer/ so alle zeyt die nachkommende hayli-
gen den vorgehenden gethen/ es hett nye kainer die vorgeendē
abgestorbenen angerüfft/ oder durch iren verdienst verhofft
salig zū werden/ sonder all haben sy gehofft/ auß genaden
durch den verdienst Ihesu Christi salig zū werden.

Also leeret auch der haylig Augustinus / hayligen eeren
sprechend/ Das die Feste der hayligen märtcher nit anders-
seynd/ denn ermanungen zū der marter vnd leyden/ das vns
nit verdrüß denen nachzūvolgen / wöllicher fest vñns lustet
herlich zū begeen. Es wirdt auch kain behelff thūn/ die hay-
ligen anzurüffen (wie etlich ver maynen) vmb das im alten
Testament die vätter haben gebetter. Herz biß ingedenck dei-
ner diener Abraham/ Isaac / vñnd Jacob ꝛc. vmb Dauid
deines knechts willen ꝛc. Denn diß hatt auff die verhaiffung
gelantet/ den hayligen vättern von Christū vnsern hailand
von Gott dem vatter gethon.

Vom freyen willen vnd sitlichen tugenten
hab ich etwa der massen geprediget. Das der mensch seyn
nen freyen willen hab/ mög gūts oder böß thūn / recht oder
vnrecht/ thūn oder lassen.

Also mög er auch keüsch oder nitt/ zürnen oder nitt/ leben
oder nitt/ begeren oder nitt/ vñnd der gleychen ander e gūtte
werck in gemayn/ ja auch die gūtten werck die sy nennen sit-
lich tugenten. Wiewol die Pelagianische Sect zūermeýdē

gesagt / das verdienstlich werck ewigs leben zu erlangen /
nyemandt vermüg zuthun / on gottes gnad / denn kein werck
sey gütt in solcher weyse / es neme dann got das auß gnaden
an für gütt / vnd denn sey es verdienstlich / zum ewigen leben
de congruo / ex pacto / auß gebürlichkeit vnd verding Gottes
Es muß sich auch nyemandt entschuldigen / das er solliche
gnad Gottes nicht hab / denn es mag sich der mensch auß
aygner natur vnd freyem willen / der massen schicken / so er
seynes vermögens gütt zuthun vnderstand / das im Gott
schuldig (de cōgruo) auß gebürlichkeit / gnad zu gebē / durch
die er denn verdienstlich wircke.

Herzu hab ich gezogen disenachgeende sprich. Dein be-
gird soll dir vnderworffen seyn / vnd du solt vber sy herschē.

Item / Esaias. Ists das jr mich wöllen / vnd mich hören.
In Ecclesiastico. Gott schüß von erst den menschen / vnnnd
ließ in in der hand seynes Radts zc. Vnnnd Christus. Wiltu
eingeen zu dem leben / So halt die gebott. Item / Ists das
mir yemandt nachkommen will zc. vnnnd der gleychen. Denn
auch Aristoteles sagt / Es sündet nyemandt inn den ersten
bewegungen / diuweyl sy nitt vnser macht / deßhalb auch die
narien vnd kind nitt sünden. Item / so sehen wir / das zufellige
ding sich begeben / in menschlichen hendeln / diß mag nitt an-
ders / dann durch den freyen willen des menschen seyn.

Item / Wa der frey will des menschen nitt / so waren alle ge-
satz vmb sonst / dürfft man auch nitt radtschlagen / auch
nyemandt vmb seyn vbelthat straffen / noch vmb wolthat
loben oder belonen zc. Diser vnnnd der gleychen sprich vnnnd
Argument / menschliche natur zuerhöhen / vnd zuwürdigen
hab ich eingefürt.

Wie solt ich lieber gelert haben / das wir nach dem fall der
sünd kein freyen willen mer haben zu guttem / sonder ainen
knechtlichen vergiffen willen / der träger ist / den ain fauler
Esel / wider spenstig / vnnnd halß starrig zu allem gutten / ge-
naygt zu aller boßhait vnd mütwillen / allen gutten gesegen
vnd ordnungen seynd / Wölchs vns die schrifft manigfaltig

nit inn Gott auffserheben / bieweyl er leyblich bey in wonet.
Darumb so ist fast färllich vñ zūbesorgen/das auffss wenigst
das arm ainfältig völklein/also an den eusserlichen dingen
bleyb bekleben/trost vnd hayl darinnen süch / das es allain
bey Gott süchen solt.

Der König Ezechias wirdt gelobt / das er den erenen
schlangen zerknüschet/den Got Mosen hat hayssen machen
vnd auffrichten.

So hilfft auch nit/das du sprichst. Ich bett die hayligen
mit an/noch jr gebayn/bilder 2c.

Sag an/warumb zeüschstu denn den hütt ab vor den bil-
den : naygest dich/kyeest nider/betrönest vnd klaydest die/
zündest Kerzen vnd ampie darvor an/ thüst walsart zū im
bringest im opffer 2c.das alles gott zūgehört : warūb thüst
du im das nit on bilder oder gözen ?

Item/So hat vns das weder Christus/noch die Aposteln
das nyendert geleert/nach sy das selber gethon/zū den abge-
storbenen rüffen/darumb seynds lautter menschen fündlein/
ymb des geytz willenerdacht.

Zum letzten/ists gewiß recht/ sich allain auff got trösten
vnd lassen/so es fast zweyflig ist/ob es etwas helff/sich auff
die hayligen lassen/ja ob schon miracel da geschehen/denn
auch der Papst selbs gestect / das bey falschem haylthumb
etwa miracel mögen geschehen/was es aber helff/wirt sich
nyendert ee zaygen/denn im todt/so es zūerzweyflung die-
nen zūbesorgen. Hiemit wolt ich aber nyemandt hayssen/der
hayligen bayn enteeren/an vnerliche stett legen/oder vnder
die füeß treten/gleich als wenig/als ander Christen gebayn
sonder das man die eerlich behalt inn den gröbern/ oder im
Percker/aber nit in silber oder gold faß/vnd der gleychen eere
beweyß/wie gnüg darvon geredt.

Es were auch zūleyden / das wir gedechtnuß hielten/al-
lain der hailigen märterer/mit verkündigung ires glaubens
vnd tugentreychen lebens. Aber es hat sich layder vil weytter

eingedrungen / weder Hieronimus oder Augustinus selber gedacht herten / das nit zweyffel / wa sy yetz bey vnns in leben / sy wurden als fast darwider seyn / als wir / vnd sy gerewen / das sy vorhyn mitt irem schreyben diser Abgötterey / ain zůgang gemacht .

Ich solt auch die recht hayligen eer geleert haben / die hier in stat . So wir Gott vber iren glauben vnnnd gnadreychen wercken loben / denn es spricht Christus. Also soll ewer liecht scheynen vor den menschen / auff das sy ewere gütte werck sehen / vnd ewern vatter preysen der im hymel ist. Vnd Paulus sagt / das die Junger Christi / Got loben vber in. Vnd da Elizabeth Mariam lobet / vnd erhůb / wandt sy das gleych in Gott / sprach. Mein seel macht groß den herzen / so eeren wir denn die hayligē recht / so wir got preysen / der also ganz wunderbar / vnd gnedigklich mit inen handelt / sy mitt gnaden reychlich begabet / in krafft vnnnd sterck geben mánlich zů steen wider dise welt vnd Tyrannen / Gottes wort dapffer zů bekennen / vnd verfechten / so sy doch von natur blůd vnnnd schwach / blůt vnd flaysch / ja auch eben vnserer bosshafftigen sündlichen natur vnd art. Denn Gott lob vnnnd danck sagen / der vns die zůfürbilden / seyner Götlichen gnaden gestelt / das wir frůlich sůllen in allen vnseren anlygenden nōten zů im fliehen / vmb radt / trost / vñ hilf / wissend / das / wer in in vertrawet (wie auch sy) nymmer mer zůschandē kumpt.

Darnach sůllen wir auch hertzlichen bitten / vmb sůlche gnad / ain festen waren glauben zůerlangen / den selben mitt den wercken der liebe gegen dem nāchsten zůgeben / den vns verzagt vor den Gottlosen Tyrannen bekennen / vnnnd nemlich verfechten / wie auch sy haben gethon / ob es schon vnser gůt / eer / leyb / vnd leben wurde kosten. Also leeret die Epistel zů den Hebreern . Es haben die hayligen durch den glauben die Künigreych bestritten.

Dis ist die recht war eer der lieben hayligen / Christo vnserem herien (wie sy) volgen . Das begeren sy von vnns vil mer / denn silber oder guldene gůzen / grosse Kirchen vnnnd

hayßt rüeffen / auß grossem vertrauen / als kinder zu irem
hertz lieben vatter / der vnser besser sorg vnd acht hatt / denn
wir selber / ist genaygter zu geben / denn wir von jm zubitten
Vnd was moecht der aller gütigst vatter seynen kinden vers
sagen / so sy in mit hertzen bitten: der auch seynen aingebornē
jun für vns geben in den todt / des Creüzges . Also spricht er
durch Esaiam. Es wirdt seyn / ee dann sy rüffen / will ich sy
erhören / vnnd dieweyl sy noch reden / will ich sy geweren ic.
Darumb schlechts / was wir den hayligen in diser sacht zuge
ben / das rauben wir Got ab. Nun ist aber Gott ain starcker
eysserer / vnd will seyn eer kain andern lassen .

Das ich aber eingefürt / wie Moses / Job / Helias / Daniel ic
für andere gebetten / hett alles (so wir die geschrifft recht be
sehen) zum glauben gegen Gott / vnd liebe gegen dem näch
sten gedienet / vnnd das vnder den lebenden. Schleißt aber
darumb nitt von den todten. Dann es spricht David. Mein
vatter vnd mein mütter haben mich verlassen / aber got hat
mich angenommen. Vñ Esaias. Du bist vnser vatter (mays
net Gott) denn Abraham wayßt vns nit / vnnd Jsrahel er
kandt vns nit. Auß wölchem der hailig Augustinus schleißt
das sich die abgestorbenen hayligen vnser sacht hie auff erden
nit bestimern.

Ich solt auch gedacht haben / warumb Gott das grab
Mosi / vnd seynen leyb nit hatt wölle gewißt werden / von
den menschen / Freylich eben darumb / das nitt ain Walfart
vnd Abgötterey darauff wurde / wölchs auch also zu glau
ben von der hailigen Aposteln / vnd vil anderer hayligen leib
Denn Gott will freylich seyner hayligen leyb verhüten / vil
meer / das sy nitt zu Abgötterey gebraucht werden / denn vor
kainer anndern zerstörung / wiewol sich die zu Tolosen fast
geüben / sy haben sechs Aposteln / vnnd Rom auch etwann
manchen / deren sich dann andere Stett auch rümen. Also
ist es auch mit Creüz / Sper / Nagel / Kron / Gayffel / Rüt
ten / Rock / Schwaifbüch vnser herren zu glauben / das
alles erst zu disen letzten zeyten / in etlich hundert jaren vnser

Quest herfür gebracht/es sey dann das oder nit/ nympt der
Papst das gelt/bestettigt das/gibt Ablass darzü. Vnd also
seynd der Röck/ Sper/ Negel/ Schwasthücher vil worden
die meer dann an ainem ort gezaygt werden. Es seynd auch
nicht drey böwm so groß inn dem Schwartzwald/ sy geben
nit so vil stuck/ als vil man deren von dem hayligen Creützs/
zayget allenthalben/ dieweyl es solchen nutz treget.

Also hatt auch manicher haylig zween/oder mer Cörper/
Als Marcus Euangelista zu Venedig/ vnd in der Keyche-
naw bey Costentz/ Mathias zu Rom/ zu S. Maria Maior
vnd zu Tryer/ Sant Jacob zu Tholosa/ vnnnd zu Compostel/
vñ der gleichen vil mer. Also auch ain haylig/ zway oder mer
häupter/ Als Anna vnd Barbara ꝛc. hierauß auch gewach-
sen/ das wir herwt dits tags vil schelmen bayn/ ja Esel vnd
hunden bayn für haylthumb küssen/ ja auch holz vom gal-
gen/ oder vom Rad/ in silber vnd gold fassen. Denn beschä-
men sy sich nit frenenlich zu liegen/ das sy haben von vnser
herzen bart/ der doch nye bart geschar/ vnser Frawen milch
hembdt/ har ꝛc. Disß seynd die köstlichen eeren/ die sy den hay-
ligen anthünd ꝛc.

Ich solt auch gelert haben/ wie Gott an vil orten der ges-
chafft beym ewigen fluch verbeüt/ die gözen vnd bildnuß

Es wirdt vns auch nit helffen/ das wir schon sagen/es
seind der Layen bücher/ vnd ermanen vns des saligen lebens
der lieben hayligen ꝛc. Denn disß hatt auch Gott wol gewist
dennocht hatt ers verboten/ so wollen wir ymmer witziger
seyn/ denn er. Es ist ain böß zaychen / das du dein andacht
ab der wand müßt holen.

Denn so zyehe dise eüsserlichen ding vns ab von der rech-
ten waren gottes eer vnd dienst/ so allain gott zugehöret/ vñ
mitt hertzen geschicht / denn als Christus selber sagt. Das
flaysch ist kainnütz/ was sollen den die bayn der todten/ oder
der gözen nütz seyn / der gayst müß es thun. Item / Es ist
euch nutz/ das ich von euch gang ꝛc. Denn sy hienggen an der
aufwendigen leyplichen person Chusti/ vñ künden jr hertz

Cloſtern/ all jar ain new Cloſter müſſen haben/ er kōndt daſſ
das ſchräglin mitt den hayligen vnd ſeelen / feyn zū marckte
richten/ das die bawren redlich gen opffer lieſſen. Hie hett
abermals der Papſt/ Bettelfürſten/ Mönch/ Pfaffen/ vnd
das geſchwürmb ſeyn Keych vnd herſchafft.

Denn ſo findt man alle tag ain Ay auff dem Altar lygen/
vnd hebt man dann ain gelewt vnnnd keſspredig an. Vnnnd
iſt ain yeder haylig auf ſeyn feſt/ der allerhayligſt/ des gleych
en nye erfunden/ der aller nächſt bey Gott / vnnnd der grōſt
Nothelſſer/ dem gott nichts verſagen kan.

Es iſt vns auch wol kommen / das man das hailthumb
in ſilber vnd gold faſſet/ ſilbren gözen/ Creüz/ vnnnd Mon-
ſtrangen/ Kelch/ Rauchſeſſer/ Meſſentlin/ als von ſilber
gemacht.

Denn pater noſter/ ſchauben/ harniſch/ wechſen bilder/
vnd zaychen/ hoſen mit korn/ eyſe ic. für die gözen gehenckte
gilt als gelt/ vnd ſeynd faſt gnadenreyche bilder.

Den bilden (glaub ich) hett erſtlich ſtatt geben bey den
Chriſtē/ die erdichte gewinnige Fronick zū Rom/ von deren
ſich ain groſſ volck zū Rom nōret/ denn auch des Saluators
vnd Marie bilder da ſelbſt/ die ſant Lucas ſolt gemalet ha-
ben/ wiewol ich noch nyendert geſeſen/ das er ain maler/ ſon-
der ain arzt geweſen ſey. Da lauffen dann die neriſchen
Jungern vnd Teütiſchen hyn / tragen gūt/ gold/ vnd ſilber
dahyn/ Fronicken vnd Pater noſter an die bilder geſtrichen/
vō dannē. Das hond die Römer gern/ vñ ſpottē vnſer darzū

Vnnnd was ſolt ich hie alles vō haylthumb ſagen? Es iſt
hailthumb alſo werdt zū diſer zeyt/ das der ſtrick daran ſich
Judas ſolt erhenckt haben/ zū Rom für haylthumb gezaigt
An ainem andern ort (wie ich hōr) der wadel von dem Eſel
den Chriſtus ſoll geritten habē/ in ainer ſilbren Monſtrangē
Iren etlich das hōw in der krippē zū Berlehem gelegē. Item
Das gebiß vom zaum S. Jörgen roſt/ ja ain ſtuck vō ainem
ſchüchriemen ains verwenten hayligen/ hatt vil gelt koſtet/
dahyn iſt layder kommen durch vnſer geſüchs prediger ic.

In diesem handel bin ich vor jaren nit ungeflissen gewesen
auff das ich nit der bösest Predicant wer/ vnd dem Gardian
nitt vnwerdt/ das er nitt sprech. Ey was soll mir der Leess-
mayster / man opffert nitt / wie wir dann auff ain zeyt be-
schehen/ von ainem gelt sichtigen Gardian. Vnnd das hab
ich gethon/ nemlich/ dieweyl ich wolt wänen/ es were alles
war/ was der Bapst / vnd seyne geschworne leerer fürgeben
Wiewol mir auch der selben zeyt vil ding mißfielen / inn der
haylige Legend/ die mich bedauchten lügerlich/ vnchristlich
ja gotßlesterlich lautten(als es auch laut) nemlich S. Bar-
baren/ Disulen/ Margareten/ X. tausent Ritter. S. Jörgen
Thome von Aquin/ Bernhardus ꝛc. der gleichē/ wie ich dan
etwa gemeldet/ mit verdriess vnd toben viler bocksteüzler.

Hie solt ich von aller foderst geleert haben / das die ge-
schrifft an so vil orten vns hayst allain in Gott hoffen/ vnd
in allen vnsern nöthen zū im flyehen. Verflucht auch hiegege
die/ so in aynicherlay Creaturen hoffen / leeret vnns darbey/
das gott sey/ der sorg für vns treget. Es leeret auch Christus
durch vil Exempel/ das wir sollen alle vnser notdurfft zūer-
sichtiglich vom vatter bitten. Auch/ das wir alle ding inn
seynem namen sollen bitten.

Es will auch Sant Jacob/ das wir/ so vns weyßhait ge-
büß/ die von got dem vatter des liechts bitten/ warumb den
nit auch all ander notwendige ding?

Denn so daugt das Argument/ vmb das wir sündler seyen
so müssen wir ain Fürsprechen haben ꝛc. Nitt das wir dar-
umb zū andern/ denn zū dem aynigen Fürsprechen vnd Ad-
uocaten Christo lauffen sollen/ vnnd wer anders thut/ der
raubt Christo sein eer/ vertrawet im nit/ macht in lügenhaft
so er spricht. Alles das ir den vatter in meinem namen biten/
wirdt er ench geben. Es wayst all vnser anlygen nyemandts
baß/ denn er. Es mag auch vnsern schaden nyemandts baß
wenden/ vnd nutz fürdern/ denn er. Es geet auch nyemandt
mer zū hertzen/ den eben im/ den er der aller miltest vñ barm-
herzigist/ wie auch seyn hymlicher Vatter / zū dem er vnns

In Summa. Sy habē am ersten das Fegfeuer erbichtet
darnach die geschrifft auff jr gedicht getrungen / wie sy möge

Warumb haben die jämerlichen Papisten nitt als mer
das recht Fegfeuer geleert / das vns hie in zeyt biß an vnser
ende von sünden rayniget.

Von wöllichem die geschrifft an vil orten / das da ist das
blüt vnser herren Ihesu Christi. Paulus sagt also. Got hat
in für gestelt zu ainem versöner durch den glauben in seinem
blüt. Vnnd an ainem andern ort. Christus hatt seyn gemayn
geliebt / vnd hatt sich selber für die geben / auff das er sy hay
ligte / vnd hat sy gerayniget mit dem wasserbad im wort ic.

Der gleychen wirstu lesen ad Titum. 2. vnd 3. Zehre. 1.
1. Johan. 2. vnnnd Apocalip. 1. Mathei am 3. Ihesus Taufft
mitt dem hayligen gayst vnd feuer. Wenn wölten sy haben
angezaygt / das Fegfeuer des Creutzes / vñ widerwertigkait?
denn die grausame angst / so wir vns vor got vmb der größe
vnnnd manigfaltige vnser sünden außgießen / wie Dauid an
vil orten / vnd also vor angst des grimmen zorns Gottes zer
schmelzen möchten / wie das Wachß bey dem feuer / so wir
also stünd / todt / Teuffel / hell / vor den augen vnser gemüets
gebildet sehen.

Das ist das recht Fegfeuer durch den gayst gottes / vnd
seyn hayligs wort angezündt.

Von anruffung vnd fürbit der abgestorb
nen hayligen / hab ich der massen offte geprediget. Diweyl
wir als sündler vnwürdig erhört zu werden / dürfen wir für
sprechen / die freünd vnnnd diener Gottes seynd / im werde
vnd angenehme / vil bey jm vermögen / die vns von jm erwer
ben verzeyhung der sünd.

Das wir durch iren verdienst vnnnd fürbit vor sünden be
hüt werden. Item. Vor krankhaitten / vnnnd manigfaltigen
presten. Item. Das sy vns weyßhait / gesunthait / reichthumb
kinder / narung erwerben.

Hiezu hab ich gezogen das gebet Mosi / Helie / Danielis /

Judith/vnnd annder für das volck. Denn das Centurio für seinen diener/der vatter für seynen mänlichen Sun/die Samaritin/für die Tochter / vnnd der gleychen/ denn das vns Christus haist für vnseren seynd bitten. So haist vns sant Jacob auch für ainander bitten. Vñ Paulus in seinen Episteln begert/das die Chriſten/für in bittē. auß disem allem schloß ich also.

Dieweyl es güt ist/ das ain sündler für den andern bittet/hie auff erden / wie vil mer ist's güt/das die/so yetz on sünde bey Gott für vnns bitten. &c.

Hiezü hat mich nit wenig gestewert die Antiphena/Salue regina &c. vnd ander der gleichen/von abgestorbnē hayligen.

Denn auch die Letania/vnd das Register in dem Canon der Messen &c.

Item. Die Decretales Bonifacij des 8. Gloriosus deus &c.

Item/ Joannes Damascenus/Mayster Peter von Parisß vnnd ander schüllicher am selben ort/doch alles on/oder mit gezwungener geschrifft. Es hatt auch wol hiezü gestewert/das buch brüder Jacobs vom Schlundt/ da er vil erdichter mirackel vnd erscheynungen der hailigen beschriben/ob wol got etwas mirackel im anfang des glaubens gethon bey den gröbern der hayligen märterer/ auff das sy nit todte/wie die hayden maynten / sonder lebent bey Gott / zū sterckung der menschen im glauben geacht wurden/doch haben die nachgeenden/ vmb gewinns willen/walfarten auß zürichten/den waren mirackeln nach/vil falscher erdicht.

Item / Der Bapst mit seynem Canonicieren vmb gelts willen/denn fest auffrichten/Ablaß geben/denen die dahyn walfarten. Also vns das gelt bey vnsern dencken / vil newer hailigen auffgerichtet. Dañ die Stationierer mit irem gewulichen predigen/ von den Röchlichen hayligen/S. Anthoni Quirin/Valtin/Anstat/Hüprecht/Veyt/Roch &c. Mit denen haben sy den armen weyblin/ die pfenning auß dem hyn dersten winckel herfür geschreckt.

Es het auch ain yeder Leefmayster vnd. predicant in den

mit den freueln geistlichen Papisten / sonder es darbey
haben bleyben lassen / das etlich haymlich wonungen (vnns
vnwissend) seynd / Gott geb wie man die selben mitt namen
möcht nennen / da die abgeschaydenen seelen / des jungsten
gerichts erwarten / vnd das die seelen / so zu dem leben werde
ersten / im fryden rüwen. Vnd vns die geschriffte (der todten
halb) mit mer anzaigt zûthûn / denn die begräbnuß des laibs
volgt / daß das waynē gebreng / vñ gefräß auf dē grebnussen
mer Jüdisch vñ Haydnisch / den Christenlich. Diweyl auch
Paulus desselbig verbeit. Chrsostimus vñ Augustinus das
verspotten. Hiemit will ich aber nyemandt weren / das er sei
nen verwanten vnd geliebten / auch allen abgestorbnē glau
bigen / von Gott begere / das er sy laß in dem fryden rüwen /
vnd wölle sy aufferwecken vnder seinen gerechten ꝛc.

Doch bedarffes weder Jartags / noch der gleychen / mitt
bestelten gedingten knechten / die vmb gelts willen kläglich
hewlen / vnd prummen / wie man häcker vnd treffcher bestelle
vnd wer deren am aller maysten bestelle / schaff dester meer /
wie sy wöllen wenen / ist schedlich an gûtt / vnd an der seelen
Das gûtt kumpt also an die verwenten gaystlichen. So ver
lassen sich die reychen auff solche Messen vñ Jartäg / thûnt
alle boßhait jr lebēlang / vñ nichts / oder gar wenig gûts / spa
rens als in das segfwer / ist zûbesorgē / es werd ain hell drauß

Hiezû hatt fast wol gedient das Bûch / Dialogorum ge
nandt / Gregorio gar / oder ain micheltayl fälschlich (als ich
glaub) zû legt / denn er sollicher maynung vom Segfwer / in
andern seynen ungezweyfelten Bûchern sich nyendert laßt
mercken. Vnd auch das Capitel / Anime / so die Papisten
Gregorio zû schreyben / sich in seinen bûchern nit finden laßt.

Item / das bûchlein aines Kartheusers / von gestorbnen
seelen / vnd wie man die beschwören soll / so sy in ainem hauß
vmbgeend / rumplen. So doch vns von Gott verboten / et
was von den todten zûfragen. Dann es kan der Teuffel sich
wol lassen beschwören / vnd dannocht sagt was er will / die
menschen zû betriegen.

Nun aber das segfwer auß den eingefürten sprichen ver
maynen zu erzaygen/scheynt klar/das Christus Mathei. 5.
vnd 18. Von Brüderlicher lieb/ fryd vnd aynigkait geredt/
vnd die beyde Exempel dartzu eingefürt / zu erzaygen das
nyemandt on brüderliche lieb sällig mög werden/sonder wer
in haß seynes brüders auß diser zeyt schaydet/dem werd got
nymmer verzeyhen in ewigkait/vnnd werde in den Echterin
das ist/den Teuffeln befehlen/so lang zu kerckern/biß er alle
schuld bezale / biß auff das minst örlein / das werd er aber
nymmer ewig bezalen. Wie auch Johan. in seynrer Epistel
redt. Wölcher seynen brüder nit liebt/der bleybt im todt. Vñ
also ifts von der ewigen peyn geredt / donec / oder vsqz/ wie
auch das vom ewigen Regiment Christi. Donec ponam
inimicos tuos 2c. so lang biß ich setze deinen feynd 2c.

Das auß Mathei am 12. ist vom glauben in Christum/
den waren sun Gottes vnsern hayland/vnd von verleserung
des gaysts der warhait/dem wirdts auch nymmer ewig ver
zygen. Wie Marcus klärlich sagt. Wirdt auch nitt herauß
volgen/das sy wöllen schliessen/nemlich. Das ettliche sünd
nach diser zeyt müssen verzygen werden/vñ das im segfwer

Dann allain der glaub ifts/der die sünde verzeyhet/so folgt
das/wer on glauben stirbt/ dem wirt nymmer ewig verzygē
Wer aber glaubt dem wirdt hie verzygen.

Das Paulus 1. Corin. 3. ist von der leer geredt/die ain yed
er Predicant bauet/auff das recht fundament/ das Chri
stus gelegt/seyn hayligs vnfäligs wort. Wie aber ain yeder
das selbig brauchet auff aygen gesüch / oder dem herzen zu
eeren/vnd nutz dem nächsten/wirdt der tag des herzen(so er
kumpt mit feuer der veruolgung / vmb des worts willen/
die leer zu probieren/wie das gold) zeüigen/ Dann was dem
wort gleychförmig im rechten glauben / wirdt / beston im
feuer der trübsäligkait. Was aber dem nit gleychförmig/
felt hyn durchs feuer/doch wirdt er sällig/ so er bekendt/vñ
mit gedult leydet. Zuyerauß werden aber die Papisten jr seg
fwer nit schliessen.

uber ander menschen/ auß der einsezüg Christi/ sonder allain
seynd sy diener im wort gottes/ zů besserung der gemayn/ vñ
dise obgemelten dūngē vñ Tyranneyen all auß freuel neben
der geschriffte eingefürt.

Vom Ablass/ das der die syben oder mer jārīg schuldige
büß hie/ oder im fegfwer zůbezalē/ hynneme/ so die bāpstlich
Bull das inhalt vñ den ainer thūt das die bull hierüb fodert

Item/ in den Bullen volkōmen Ablass/ das der Ablass alle
pēyn hynneme/ also das der mensch/ der solchē Ablass (lautt
der Bullē) erlangt/ gleych gen hymel fürt/ so er gleich stürbt

Item/ das der Papst in kraft des Ablass/ dise oder ihene seel
vil oder wenig/ auch alle sampt zů mal auß dem fegfwer
nemen mög. Dis vñ der gleychen mer/ bin ich gezwungen
gewesen zů predigē/ durch ire trutzliche droēnde Bullen. Wie
wol mir nit wenig darab gegrewelt/ vmb das ich des nyens
dert kein grund in der geschriffte fand/ oder am wenigsten et
was scheyn oder anzayg.

Ich hab auch des Ablass halben hinder mich gehalten/
sonder in den letstē jaren/ die ich bey euch gepredigt/ ja mich
ettwas wider den Ablass gespert/ als ich den falsch anhub
schmecken. Darumb ich auch ettwann von dem Cōmissario
nit wenig angefochten/ vñd gar nach in vnglück mit dem
Ablass kommen/ wa Christus der herz das nitt verhütt hett/
als vngeweyfelt/ vilen bey euch noch wol wissen. Doch hab
ich (wa die sach die armen angetroffen) mein besten fleyß
angeterdt/ nitt von des Ablass wegen/ denn so vil ich dartzů
gezwungen/ sonder den armen zů güttem/ denen wir sonst
auß götlichē gehayß pflichtig. Wiewol mich auch verdroß
das der drit pfenning gen Rom dienet/ darnach aber d drit
pfenning den Commissarien/ Bischoff:c. Auß dem übrigen
dritten/ versöldet man erst alle/ die mitt dem Ablass vmb-
giengen/ deren ain mercklich zal. Das ich wol kund gedencē
das die armē dises Ablass gar wenig genossen/ sonder vil mer
die Reychen Cappunen. Darumb ich manchem byderman
meinen radt geben/ solchs zů fürkommen/ auff das den ar-

men baß geholffen wird. Wiewol ich solchen mein Rade/
mit öffentlich dorfft predigen/ vor den zornigē Ablass trämer
wegen/ will mich aber hiemit mit entschuldigt haben/ sonder
bekenn / das ich solchen Römischen Ablass layder zu vil ge-
fürdert/ vnd handtgehabt/ wölt ich hett solchen iren betrug
baß vnd ee verstanden/ vnd hett in dapffer widerfochten.

Hie solt ich geleert haben/ das der recht war aynig Ablass
ist verzeyhung der sünde in dem namen Ihesu/ allen die in ir
glauben. Vnd das vergebens on allen gelt kauff. Ir habents
vergebens empfangen/ spricht Christus/ darüb solt irs auch
vergebens geben.

Ich solt auch weytter gelert haben/ das weder Papst/
noch Bischoff macht haben/ alle peenen vmb der sünde wil-
len hynzunemen/ dann das haist got freuenlich in seyn ampt
greiffen/ die sünd het er haissen verzeihē/ der peen geschwigē

Vom Segfrewer hab ich etwan der massen
gepredigt. Zu erstē/ das ain Segfrewer sey/ darin die seelen so
auß zeyt abschayden/ gerewet vnd gebeycht/ doch nit gnüg-
sam gebüßt (wie ob stat) od vmb lößlicher sünd willen/ farē

Hiezū hab ich gezogen disen spruch. Vertrag dich mit
deinem widersacher ꝛc. Das wortt der lesterung wider den
hayligen gayst ꝛc.

Item. Er hett in den ächtern bevolhen/ biß er bezale alle
schuldt/ Item. Er wirdt sällig/ aber doch gleychsam durchs
frewer/ Denn hab ich anzaigt auß den Schülleerern/ wa das
Segfrewer sey/ vnnnd was grausamer peen die seelen da leyden
müssen. Hiezū hab ich auch ainen grausamen spruch Augu-
stini gezogen. Item. Wie vnd mit was wercken man in her-
auß helffen mög/ als nemlich/ Messen/ Opffern/ betten als
müssen/ Walfarten/ Legaten außrichten/ Kerzen/ Weych-
wasser/ vnd etlich haben die seelen dienst/ biß auff vierund-
zwaynzig getrungen.

Hie solt ich/ diuweyl vns die geschriff mit lautter anzaigt
das ain solch Segfrewer mit solcher peyn vorhanden/ wie S.
Augustin / Gott nit in seyn haymlich vrtayl gryffen haben/

Dann ee er sibem jar für ain totsünd gebüßet/hett/er mer dann Taufent ander todesünd verbracht / vnd also keme es schier alles in das Segfeuer zübüßen.

Hie Regiern aberm als Bapst/Bettelfürsten/ vnnnd das geschwürme / da sich das Segfeuer also anzündt / durch das vnmöglich genügtün.

Hie solt ich darfür gelernet haben/ das vnnser gnügthün allain Christus/ob wol yetzt (als ich hö) die vier Bettelöidē zū Eßlingen/mit irem Pfarher/ auß aygnem gesüch vnd freuel/das widertayl beschlossen.

Gott verhaist durch seynen Propheten der sünd nymmer mer zügedencken/so sich der sündler von sünden bekert / vnd sich bessert.

Deßgleychen die büß Christi an vil orten. Gang hyn/vnd sündige nitt mer. Hie hörestu kain solche an tag / wochen/ monat/jar gestelt/büß oder fasten/walsart/vnd der gleichē noch in das Segfeuer verzogen. Vñ David spricht. Ich hab gesagt/ich will mein sünd wider mich bekennen / vnnnd du hast die bosheit meiner sünd nachgelassen.

Der haylig Chrysostomus an ainem ort spricht/das Gott die Penitenz auß gnaden anneme/wie klain sy ymmer sey.

Diß zaygt der offen sündler im Tempel/das bitter wainen Petri/die trähern der sündlerin bey den füßen des herien/der schächer am Creütz / nicht das ich diß den trähern zügeb/sonder dem glauben an die grundlose vnerschöpfliche erbarmbd gottes/wölcher vmb seines hailigen namens willen die sünd frey auß gnaden nach gibt/ vñ lautter schenckt/wie David anzaygt/das got dem glaubigē die sünd nit für sünd scherzt. Vnd Johan.in seyner Epistel. Ists das yemandt vnder euch sündet/so haben wir zum Fürsprechen vnd Aduocaten bey dem vater/Ihesum Christum/den gerechten/der ist die versönung für vnser sünde.

Vom gewalt des Bapsts / hab ich mich lassen vberreden vnder anderm/vnd also fürgeben/ wie das er das haupt der hayligen Christlichen kirchen / ain Statthalter Christi auff

erden/ von Christo eingesetzt.

Das die auflegung der hayligen schrifft/ zñ im stand/ vñ im hierinn zñglauben/ wie der geschrifft selber.

Das er im selber/ wöliche fell der sünden er wölli/ machte hab/ vor zñ behalten.

Ja das er billich götliche sach vnd hendel an im selbs macht hab/ sünd zñ machen durch seyn verbott/ als nemlich Alun zñt auffen anders/ dan das Bápstlich tolpheisch/ Alun die Ehe/ speyß/ das Sacrament vndter beyden gestalten zñ brauchen ic. vnd der gleychen.

Das er auch macht hab/ rechte götliche ayd zñ nicht zñ machen. Item den schatz der Kirchen (das ist) den Ablass macht hab auß zñ taylen vmb gelt/ auch in das Seggferwer zñ erstrecken/ das ich bekenn / alles sampt lautter betrügliche frungen seyn.

Hiezñ hatt mich geursacht / das der mensch der sünden/ der sündler vberbnus noch nit geoffenbart was/ auch das sy vns herzñ mit iren droenden verflächten Bullen/ gefencfnuß vñ für getrunge als sy herwt diß tags thünt/ so fast sy möge

Item. Das die in den Hohenschülen / nit anders/ dann söliche ding thün/ leeren/ vnd vns herzñ zñ leeren/ vnd predigē mit aydes pflicht zñuertknüpfen. Darumb Paulus dise vnd andere gewaltige/ drungen haist/ ja Christus selber/ das hie durch auch die außewölte (so es anders mütiglich were) in verderblich drungen geführt solten werden.

Hie sölt ich gelert han/ das der aynig Christus das haupt der hayligen Christenlichen Kirchen/ das auch kain mensch aynicherlay gewalts hab vber das wort gots/ hinzñ/ oder vñ zñ thün/ oder außlegen/ dann allain nach dem gayst gottes durch den sy auch gemacht.

Das kain mensch hatt vber die Consciencz zñ regiern/ also auch kain mensch den andern zñ todtsünden zñ binden. Christus sprach. Sy mögen die seel mit tödten/ darumb fürchtend den/ der leyb vnd seel mag verderben in das ewig ferwer.

Item das weder Bapst noch Bischoff/ mer gewalt hatt

vil orten thut vnd Manasses/ vnnnd das gott ain zerknische
hertz nit verschmecht/ vnd der gleychen trost auß der schrift
anzaygt haben.

Wie hatt mich gemacht irren das büchlein/ von der warē
vnd falschen Penitenz/ wölchs (als es scheynt) die Papisten
erdicht/ vnd dem hayligen Augustino fälschlich zūgeschribē

Von der beycht der massen. Ich hab geschwoigen der not-
wendigē beycht/ so der mensch got dem herin täglich in seinē
hertze zūthun pflichtig/ wie an vil endē die geschrift anzaigt

Auch deren / so ain mensch vmb seyner wißlichen vbel-
that angezogen/ vnd gestrafft/ schuldig zūbekennen/ nit fre-
uenlich zūuernaynen / oder als recht gethon/ zūbeschirmen/
wie dann sant Jacob sagt. Bekenn ainer dem amndern seyn
vbelthat. Vnd hab nur auff die haimlich oren beycht (durch
Bapst Innocentium innerhalb vierdthalbhundert Jaren
aufgesetzt) getrungen. Des jars ains/ nemlich auf das Oster-
lich Fest/ seynem ordenlichen Pfarzherz/ oder andern ordens
Priestern/ vom Bapst zūgelassen / zūthun notwendig seyn/
darüber auch oft mitt den Pfarzherzen gezanct. Der vier
Bettel orden freyhait vom Bapst geben/ Beicht zūhören/ zū
beschirmen/ on sonder Christenliche brüderliche lieb / sonder
mer ergernuß gestiftet/ damit gezaygt / aygennützig gesücht
mein vnd der meinen/ Dann alhie Regiern die Bettel orden
mit gewalt/ wie auch der Bapst mitt seynen Bettelfürsten
vnd geschwürmb.

Wie hab ich abermal / wie da oben mit dem Rewen/ die
orenbeycht auff vnuermöglichs getrungen/ nemlich/ nott zū
seyn/ alle todesünde mit allen iren mercklichen vmbstenden/
von wölchen das büchlein von der waren vnd falschen Pe-
nitenz/ Scotus vnd Angelus anzaygen/ ain yeder in sonder
zū Beychten.

Item das diß nit ain menschen gebott sey/ auff das es nit
leychelich verachte/ sonder ain gebott Gottes. Zoch ich den
subtilē Scotum hoch an/ wölcher vermaynt/ die orenbeicht
auß dem ersten der Zehen gebott/ Du solt Gott deinen herin

lieb haben 2c. notwendig zu erzaygen. Vnd was ich weyters bey andern fand / Herzü dienende. Wiervol ich dem Scoto volgende/ nicht wie annder auff die Beycht täglicher / oder läßlicher sünd getrungen.

Was alles hierinn geirret sey/ ist anch yetzt durch die gnad gottes/ vnd ander hochuerstendige leerer bey euch leycht zu erkennen. Nemlich/ das die selbig Beycht / der weyse / wie sy vom Papst eingesetzt/ nit von nöten an statt/zeyt/personen zal 2c. Auch nit allain vnuermöglich / Sonder auch auß vil vrsachen/ nit not hie zu erzelen/ schedlich vnd vntreglich.

Von gnügthün der wisse/ das ain yede sünd nach irer art forder ain sonder gnügthün/ oder büß/ das etlich durch fasten oder walfarten/ vñ andere Casteyüng des leibs/ müssen bezalt vnd vergnügt werde/ etlich durch betten vnd Messlesen 2c. etliche durch almußen/ sterwer an Kirchen vnd Clöster 2c.

Vnd wa die sünd nit gnügsam der massen bezalt vnd vergnügt hie im lebē/ muß es doch alles biß auff das mynst örtlein bezalt werden nach dem todt im segfewer.

Hiezü hab ich gezogen die gemayn Regel. Per que quis precatur 2c. Wa mit ain yeder sündigt/ mit dem soll er gestraft werden.

Vnd wie Moses im gesatz / nach maß der vbelthat / soll auch die zal seyn der streych / vnd was ich der gleychen meer möcht herzu einfüren.

Dann wie die Canones Penitenciales (Regeln der Büß) umb ain yede gemayne todtünde/ ordenlich muß gebüßt werden. 7 jar. Vnd etlich 10. 20. 30. 40. jar / lautt der selben Regeln/ vñnd was hierinn abgieng/ das nit vollkommen im leben gebüßt/ müßt alles im segfewer gebüßt werden/ damit der gerechtigkeit gottes ain gnügen geschehe.

Zu disem/ wie Thomas von Aquin tringt / das die auffgesetzte büß muß außserhalb der sünd verbracht werde/ sonst gilt sy nichts. Also volgt dann. Diweyl wir täglich in vilen dingen all sündē/ das nyemandt seyn büß hie/ außserhalb der sünden verbüngen mag.

Das Messhalten/Messstifften / hören oder bestellen ic.
gar bey dem allerhöchsten gotßdienst sey.

Das Messhalten den seelen im segfrewer am aller fürder-
lichsten vnder andern diensten/die seelen züerlösen .

Hiezü hab ich brauche das gedicht Vrbani auff das hoch-
zeyt vnser herzen Fronleychnams zü der Metten / so er vn-
der andern wortē spricht. Das diß Sacrament werde in der
Kirchen geopffert/für die lebendigen vnd todten/auff das es
jnen allen nütz sey/dieweyl es für alle sampt eingesetzt ist.

Hie solt ich gelert haben/ das Messhalten nitt ain gotß-
dienst darin wir gott etw as geben/sonder von jm empfangen
Nemlich speyß vnd tranck vnser seelen/verzeyhung der sün-
den/sterck wider den fall/vnd Teuffelische anfechtung / ges-
maynschafft aller gütter Christi / vnnnd seyner glyder/ den
pfandtshilling vnnnd sicherhait zü künfftiger sältigkeit/ als
dann Christus zusagt hie mit vns erinnern/vnd verkündige
den todts vnser herzen/vmb vnser sünd willen/jm des herz-
lichen dancksagen / Darumb es auch Eucharistia genandt
ain dancksagung .

Vnd also ist Messhalten ain hochwürdig geschafft. Aber
also halten nit allain die gesalbten Priester / sonder auch die
layen Mess / so oft sy das Sacrament des altars im glau-
ben vnd gayst empfangen.

Das aber sy das höchst gütt werck auß irem Messhalten
gemacht/ist vmb jres nutz vnd prachts willen geschehen .

Ich solt auch gelert haben/das gleych wie keiner für den
andern/essen/ noch trinckē kan/also kan auch keiner für den
andern Messhalten / kan auch die Mess an jr selb nitt den
abgestorben seelen nutz seyn/ noch andern die sy nit halten.

Ich solt auch gelert hon/das Christus/wie er nur ain mal
gestorben für vnser sünd/vñ hinfür nicht mer stirbt/ also sey
er nur ain mal für vns geopffert/vñ werd hinfür nit mer auf-
geopffert. Sonder wir haltē in der mess nur gedechtnuß des
selbigen aynigen sterbens vnd opfferns . Wölcher weyse es
die hayligen vätter/Cyprianus/ Chrysostimus/Augustinus

vnnnd ander/ ettlich ain opffer gehayssen/ bieweyl es ain gedechtnuß auß seyner einsetzung des selbigen aynigen opffers wie auch die opffer im gesatz opffer genait/ vmb das sy diß opffer vor bedeyten. Also nennet auch Paulus den felsen inn der wüste/ das er Christus sey/ vmb das er Christum bedeyt. Aber hiemit das sy also den Sun gottes auff opffern/ haben sich die Pfaffen wollen hoch auff blähen/ vnd weyt vber die Engel/ ja vber die mütter gottes/ vber alle Kayser vñ künig erheben/ wie sy den oft dē volck mit grossem geschrey fürgebē

Ich solt auch gelert haben/ das der recht aynig brauch dieses Sacraments (wie Christus das eingesetzt) ist das brot essen/ vnnnd das tranck trincken. Vnd wie die Päpst vbel gescreuet/ vmb das sy dem volck das tranck verboten/ vñ tödlich gemacht/ wider das hell wort Christi. Trincket auß dem alle sampt. Vnd Pauli/ So offt jr das brot essend/ vñ disen kelch trinckend ic. Auch wider yebung der hayligē Aposteln vnd langen brauch der gemaynen Christenhait/ vnd sy auch selber sagen/ das man die ganze Sacrament/ das ist brot vñ weyn bayde soll empfangen/ oder von den gangen Sacramenten abgestossen werden. So hab ich layder irem mütwilligē freuel/ verfürisch leer/ vnd Tyrannischen gebotten/ auß menschlicher forcht gewilsart / das wöll wir Gott durch seyner erbermbd verzeyhen. Amen.

Zum andern/ von der Penitenz oder Büß hab ich auß söliche weyse gepredigt/ nemlich/ das sy in drey taylor gespalten/ Reuen/ Beychten/ Gnügthun.

Von Reuen der massen/ das ain yegliche todesünd/ mit iren mercklichen vmbstenden/ in sonder müß betracht vnd gerewet werden/ vnd der reue also groß seyn/ als der lust in dem werck der sünde.

Hie hab ich jm zu vil thon/ vnnnd den reuen in ain vnmliglich ding gestellt. Dann man vnder tausenten mit ainen menschen erfinden mag/ der solchen vermög auffzubringen/ sonder solt es bey dem gelassen haben/ das gott vmb alle vnser vnerzallige vnertantliche sünden/ in gemayn/ als Dauid an

nit die nebē schreyer thäten/wölche stets on vnderlaß schreie
mā hab vo: disen zeytē auch das Euangeliō/ vñ die warhait
gepredigt/es seind ebē als gelert frūm leerer gewesen/ als yetz
den selben sey gleych so wol zū glauben/ als den yetzigen/ vñd
der gleychen gesch:ayß vil. Hatt mich Christlich wölle bes
duncken/das ich meins tayls (wie auch der haylig Augusti
nus) mich nit bescheme/dise irzung durch mich etwan gepre
digt/frey zū bekennen/ vñd in diser meiner geschriffte zū Re
tractiern/erleutern/oder widerruffen/damit sich nyemants
mit mir beschirme/ denn es ist menschlich irren/ aber wissen
hafftig irren/nit wölle bekennen/sonder die erst verfechten
ist eben Teufflich. Ich bin auch ungezweyfelt/so etlich der
selben schülleer/ noch in leben diser zeyt weren/ sy wurden
der gleychen/wie Augustinus/ vñd auch ich / ire geschribne
leer leutern/vñd ain ander gestalt geben/denn sy zū iren zeyt
ten gethon. Bin auch gūter hoffnung es werden auch ander
vil mer Doctores vñd predicanten/ sich söllichs befleyssen zū
thūn/nit beschemen/auff das die lautter leere Christi vñters
mische/ganz vñ gar allenthalb/vñ in allen menschen allain
bekandt/vñd hersche über alle Amen. Ich schreyb auch euch
meinen gnedigen herzen/ vñd sunder günstigen freunden ge
mayner Statt Straßburg/dise mein Retractation für an
der zū / die weyl ich aller maysten inn ewer löblichen Statt
schül gehalten/Disputiert/vñnd gepredigt. Bitt auch ewer
gnad vñd freundschaft/wölle söllichs mein schreyben/
mitt Christlichem hertzen von mir auffnehmen/wölches ich
vmb Christenlicher lieb willen zū euch gethon/ auff das wir
samenthafft Christo vnserm herzen/vñnd aynigem erlöser/
in allen dingen wol gefallen dienst beweysen / der wöll auch
durch seyn erbermbd/das/so er in euch gewirckt / volenden
vñd bestetigen biß anß end/vñd zūkunft seynes tags/ Amē
Geben zū Bern in Schweytz am sechsten tag des Herbstmo
nats. Anno. M. D. XXXij.

Das seynd die namhafftig

sten Artickel/von denen ich vil geprediget

Darinnen ich der weyß geirret mit an-
dern/wie sich zaygen wirdt.

Von der Mess vnd Sacrament des fron-
leichnams vnser herzen Ihesu Christi.

Von der penitenz oder büß/vñren taylen

Von des Bapsts gewalt.

Von dem Römischen oder kirchen Ablass.

Von dem segfrewer/vnd hilff der seelen.

Von anruffung vnd fürbit der hayligen.

Vom freyen willen vnd sitlichen tugenten

Von Closter glübdten/vnd statt der vol-
kommenhait.

Von freyhait der gaystlichen/vñkirchen
gütter.

Eristlich von der Mess vnd Sacrament
des fronleichnams vnser herin/hab ich offte durch
den achtenden des selbigen fests vnd auff den ho-
hen Donstag zu Latein vnd Teutsch gepredigt auff söllliche
weyse.

Das die Mess ain opffer sey/darinnen wir täglich Chris-
tum gott dem vatter auff opffern/für lebende vnd todten.

Dem auch etliche erscheynung der todten auß dem büch
Dialogorum genaht/sant Gregorio zu gelegt/die sich bekan-
ten durch Messhalten erledigt/oder Mess für sich zuhalten
begert ic.



Rad Fryd vnnd
hayl von Gott dem vatter al
les liechts / wölcher seyn gna
denreyches liecht / der Euan
gelischen warhait / zu disen let
sten gesetlichen zeytten / hatt
hayssen inn ewere hertzen glasten zu erleuchten
die Antichristianischen Finsternussen / in
deren wir gemayniglich bißher / et
lich hundert jar gewandelt. Dem
sey auch lob / eer / vnnd danc
in ewigkait. Amen.

G Estrengen: Elden: De:

sten / Ersamen / Weysen Herzen / Auch hertz
lieben Brüder / im Christo vnserem haylandt. Als ich inn
ewer erentreychen löblichen Statt Straßburg / auff die xij.
jar lang / verschynen zeyt / ewer offentlicher Predicāt / vnwir
dig gewesen. Bin ich noch in frischer gedechtnuß / was züch
ten / eeren / vnd freüntschafft vō euch ainem Ersamen Rade
vnd erbarn gemayn / mir erzaygt vnd bewysen. Weyter was
genaygten willens jr gegen dem wort Gottes / wölliches jr
mit grossen begyrden von andern ewern Predicanten auch
von mir (als dem aller vngeschicksten) mit hauffen zūlaufs
fende gehōrt. In wölchem meinem predigen / ich vngeweyß
felt / etlich manig irrung / nach bosheit der zeyt / euch für not
wendig leer zur saligkeit fürgehalten / wie dann ich solch in
den Päpstlichen Rechte / vñ der hohen schulen leerer gelesen
vnd erleert. Wölches mich zū diser zeyt (dieweyl ich durch
gottes gnad erkendt / allain auff das aynig hell / lauter / got
tes wort zū bawen not seyn) hoch bekümmert vñ beschwärt
Denn also redet Gott. Du solt für den blinden kein anstoß
legen. Item. Verflucht sey der mensch / der ain blinden irren
schafft auf der strassen. Vñ an ainem andern ort spricht Chri
stus. So ain blinder den andern fñrt / werden sy beyd in die
gruben fallen. Weytter sagt er. Wölcher ainen auß den myn
sten / die in mich glauben / ergert / dem wers weger / das im
ain müßst ayn an halß gehenckt wurde / vnd er versenckt wur
de in die tyeff des mōis. Wölche sprich vñ ander der gleiche
so zū foderst auf ergernuß der leer lautend (mich als billich)
hart erschreckent. Aber yedoch trōst mich hiergegen / das ich
solchs auß kainem argen list gethon / sonder vnwissend im
meiner einfältigkeit / von Päpsten / vnd iren hohen schülere
ren verführet / doch trōstet mich / dieweyl euch got durch sein
gnad von solchen irungen vätterlich erlöset / vnd außgeführt
in seyn warhafftig liecht / das euch deshalb nit vonnöten /
euch weyter vor solchen irungen zū warnen durch mich / wa

